

兒孫自有兒孫福，莫與兒孫作馬牛。

11 示子

公隨蜀王衍歸朝，官工部尚書。致仕時，長安舊居多被侵佔，子弟欲訴諸官，公止以詩。

宋楊玠

四鄰侵我從伊，畢竟須思未有時，
試上含元殿基望，秋風秋草正離離。

韓魏公運事，公判京兆，日常書此以示其姪孫，蓋引楊公詩，非魏公自作也，明劉忠宣公亦嘗引以示子弟。

12 誠子弟

明林瀚

何事紛爭一角牆，讓
他幾尺也無妨，
長城萬里今猶在，不
見當年秦始皇。

13 放言

唐白居易

世途倚伏都無定，塵
網牽纏卒未休，
禍福迴環車轉轂，榮
枯反覆手藏鉤。

龜靈未免剗腸患，馬失應無折足憂，
 不信君看弈棋者，輸贏須待局終頭。

14 始至洛中言懷

宋司馬光

三十餘年西復東，勞生薄宦等飛蓬，
 所存舊業惟清白，不負君恩有樸忠。
 早避喧煩真得策，未逢危辱好收功。

太平觸處農桑滿，
贏取閭閻鶴髮翁。

15 閒居詩

闕名

典卻青衫辦早廚，
老妻何必更躊躇，
瓶中自有醋堪和菜，
囊底無錢莫買魚，
不敢妄為些子事，
只因曾讀數行書，
嚴霜烈日皆經過，
次第春風到草廬。